

ხელშეკრულება სახელმწიფო შესყიდვის შესახებ №

წინამდებარე ხელშეკრულება დაიდო ქ. თბილისში, _____ წ.

ერთის მხრივ, ს.ს.ი.პ – ლევან სამხარაულის სახელობის სასამართლო ექსპერტიზის ეროვნული ბიურო, წარმოდგენილი ეკონომიკური დეპარტამენტის უფროსის გიორგი მუმლაძის სახით (შემდგომში – „შემსყიდველი“) და მეორეს მხრივ, _____ წარმოდგენილი _____ სახით (შემდგომში – „მიმწოდებელი“), „სახელმწიფო შესყიდვების შესახებ“ საქართველოს კანონისა და პრეტენდენტის სატენდერო წინადადების საფუძველზე, _____ ელექტრონული ტენდერის ჩატარების შედეგად, ვთანხმდებით წინამდებარე სახელმწიფო შესყიდვის შესახებ ხელშეკრულებას შემდეგზე:

„შემსყიდველმა“ „მიმწოდებლისგან“ მიიღო წინადადება კლასიფიკატორის (CPV) კოდით -92224000 ციფრული ტელევიზია, კერძოდ, სატელევიზიო მომსახურების გაწევაზე, საერთო თანხით _____ ლარი დღგ-ის გათვალისწინებით (შემდგომში – „ხელშეკრულების ღირებულება“).

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები ატარებენ იმავე მნიშვნელობებს, რაც მათ აქვთ მინიჭებული ხელშეკრულების საერთო პირობებში.
 2. მიმწოდებელი იღებს ვალდებულებას გაუწიოს შემსყიდველს ზემოაღნიშნული მომსახურება ხელშეკრულების პირობების შესაბამისად.
 3. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადაში და ფორმით.
 4. წინამდებარე ხელშეკრულება ძალაშია 2019 წლის _____ და მოქმედებს მხარეთა მიერ ნაკისრი ვალდებულებების დასრულებამდე, მაგრამ არაუგვიანეს 2019 წლის 31 იანვრისა.
 5. ხელშეკრულებას თან ერთვის დანართი №1 - ფასების ცხრილი და დანართი N2 - არხების ჩამონათვალი, რაც წარმოადგენს ამ ხელშეკრულების განუყოფელ ნაწილს.
 6. ხელშეკრულება შედგენილია -- გვერდზე, 3 ეგზემპლარად. ორი ეგზემპლარი გადაეცემა შემსყიდველს, ერთი - მიმწოდებელს და თითოეულ მათგანს თანაბარი იურიდიული ძალა აქვს.
- ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

მხარეთა რეკვიზიტები

„შემსყიდველი“	„მიმწოდებელი“
სსიპ – ლევან სამხარაულის სახელობის სასამართლო ექსპერტიზის ეროვნული ბიურო მის: ქ. თბილისი, ჭავჭავაძის გამზ. №84 ტელ: (995 32) 2 25 84 84 მიმღები ბანკი: სახელმწიფო ხაზინა მიმღების დასახელება: ხაზინის ერთიანი ანგარიში ბანკის კოდი: TRESGE22 სახაზინო კოდი: 707767126 ს/კ 204852089	ბანკის კოდი: ა/ა ს/კ

ეკონომიკური დეპარტამენტის უფროსი
გიორგი მუმლაძე

ხელშეკრულების საერთო პირობები

1. ხელშეკრულებაში გამოყენებულ ტერმინთა განმარტებები.

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 “**ხელშეკრულება სახელმწიფო შესყიდვის შესახებ**” (შემდგომ - „**ხელშეკრულება**”) - შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ;

1.2 “**ხელშეკრულების ღირებულება**” - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 “**შემსყიდველი ორგანიზაცია**” (შემდგომ “**შემსყიდველი**”) - ორგანიზაცია (დაწესებულება), რომელიც ახორციელებს შესყიდვას;

1.4 “**მიმწოდებელი**” - პირი, რომელიც ახორციელებს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში.

1.5 “**დღე**”, “**კვირა**”, “**თვე**” - კალენდარული დღე, კვირა, თვე.

2. სტანდარტები

2.1 ხელშეკრულების ფარგლებში გაწეული მომსახურება უნდა შეესაბამებოდეს ხელშეკრულების პირობებს.

2.2 ციფრული ტელევიზიის მომსახურების გაწევა უნდა განხორციელდეს დეკოდერებითა და სატელევიზიო მაუწყებლობის გადამცემი სერვისით;

2.3 მიმწოდებელმა უნდა უზრუნველყოს შემსყიდველისათვის 24 საათიანი, უწყვეტი და შეუფერხებელი (გარდა წინამდებარე ხელშეკრულებით გათვალისწინებული გამონაკლისებისა), ხარისხის სატელევიზიო მაუწყებლობის გადამცემი სერვისით მომსახურება.

2.4 მაუწყებლობის გადაცემა უნდა განხორციელდეს ოპტიკურ-ბოჭკოვანი წყვილის საშუალებით;

2.5 მაუწყებლობას უნდა გააჩნდეს ვიდეოთეკა, ეთერის მართვის შესაძლებლობა (გადახვევის/დაპაუზების ფუნქცია), არხის სრული ჩამონათვალიდან არხების მონიშვნის ფუნქცია, არხების ცალკე პროფილის შექმნის შესაძლებლობა;

2.6 სატელევიზიო მაუწყებლობა უნდა მოიცავდეს დანართი N2-ით განსაზღვრულ ყველა არხს.

2.7 მიმწოდებლის მომსახურების ნებისმიერი სახის გაუმჯობესება, რომლის შესახებაც ცნობილი გახდება სატელევიზიო რეკლამებს ან/და სხვა სახის მასობრივი საინფორმაციო საშუალებებით, შესაბამისად უნდა აისახოს შემსყიდველისათვის გაწეული მომსახურების ხარისხზე, თუ ასეთი ვრცელდება არსებულ მომხმარებლებზეც.

3. ხელშეკრულების შესრულების კონტროლი

3.1 მიმწოდებლის მიერ, ხელშეკრულებით ნაკისრი ვალდებულებების შესრულების კონტროლს განახორციელებს _____.

3.2 შემსყიდველს ან მის შესაბამის უფლებამოსილ წარმომადგენელს (წარმომადგენლები, მოწვეული ექსპერტი) უფლება აქვთ ხელშეკრულების შესრულების ნებისმიერ ეტაპზე, პერიოდულად განახორციელონ მიმწოდებლის მიერ ნაკისრი ვალდებულებების შესრულებისა და ხარისხის კონტროლი. იმ შემთხვევაში, თუ დაფიქსირდა მომსახურების შეწყვეტა ან/და შეფერხება, მიმწოდებელი ვალდებულია შემსყიდველის შეტყობინებიდან 45 წუთის განმავლობაში შემსყიდველს გასცეს მოტივირებული პასუხი დაფიქსირებული ხარვეზის თაობაზე. მიმწოდებელი ვალდებულია წერილობითი შეტყობინებიდან 48 საათის განმავლობაში უზრუნველყოს სატელევიზიო სიგნალის დაზიანების აღმოფხვრა, გარდა იმ შემთხვევებისა, თუ ამგვარი გარემოება გამოწვეულია სადემარკაციო წერტილიდან შემსყიდველის მხარეს არსებული დაზიანებით, რაც ყოველგვარი შეზღუდვის გარეშე გულისხმობს შემსყიდველის ლოკალური ქსელის გაუმართაობას ან პროგრამული ვირუსების არსებობას;

4. მომსახურების გაწევის პირობები

4.1 მიმწოდებელი, წინამდებარე ხელშეკრულების პირობებისა და ტარიფების გათვალისწინებით, შემსყიდველს გაუწევს სატელევიზიო მომსახურებას _____ - 2019 წლის 31 დეკემბრის ჩათვლით - დანართი N1-ის შესაბამისად;

4.2 მიმწოდებელი ვალდებულია გონივრულ ვადებში გაუწიოს შემსყიდველს საკონსულტაციო მომსახურება, განიხილოს შემსყიდველის პრეტენზიები და გასცეს მოტივირებული პასუხი ყველა საკითხზე, რომელიც დაკავშირებული იქნება წინამდებარე ხელშეკრულებით განსაზღვრულ მომსახურებასთან;

4.3 მიმწოდებელი იტოვებს უფლებას ქსელის სრულყოფასა და განვითარებასთან დაკავშირებით (ახალი მაგისტრალის ჩართვა, ტექნიკური საშუალებების განახლება მოდიფიცირება, ქსელის კონფიგურაციის შეცვლა, ახალი ტექნოლოგიების დანერგვა და სხვა) მოახდინოს ქსელის გარკვეული მონაკვეთების დროებითი გათიშვა შემსყიდველისათვის წინასწარი შეტყობინების გაგზავნის საფუძველზე.

4.5 მიმწოდებელმა უნდა უზრუნველყოს შემსყიდველისათვის ხელშეკრულებით გათვალისწინებული მომსახურების გაწევა დანართი N1-ით გათვალისწინებულ მისამართზე.

4.6 წინამდებარე ხელშეკრულების გაფორმებით შემსყიდველი ყიდულობს მომსახურებას და მას საკუთრებაში არ გადაეცემა რაიმე ტექნიკური საშუალებები ან/და ნივთი, რომლის სარგებლობის უფლების მინიჭებაც ხდება შემსყიდველისთვის (ამგვარის არსებობის შემთხვევაში).

5. გარანტია

5.1 მიმწოდებელი ვალდებულია, დღე-ღამის 24 საათის განმავლობაში უწყვეტად, გარდა გადაუდებელი სარემონტო ან/და პროფილაქტიკური სამუშაოების მიმდინარეობისა (მათ შორის ხელშეკრულებით გათვალისწინებული გამონაკლისებისა), გაუწიოს შემსყიდველს ხელშეკრულების პირობებთან შესაბამისი მომსახურება.

5.2 მიმწოდებელი თავისუფლდება 3.2 პუნქტით ნაკისრი ვალდებულებების შესრულებისაგან, თუ ხარვეზის წარმოქმნა გამოწვეული იქნება შემსყიდველის მიზეზით.

6. ანგარიშსწორება

6.1 ანგარიშსწორების ფორმაა უნაღდო (გადარიცხვა).

6.2 მიმწოდებელი ვალდებულია არაუგვიანეს ყოველი მომდევნო თვის 15 რიცხვისა, წარუდგინოს შემსყიდველს ანგარიშ-ფაქტურა. ანგარიშსწორება განხორციელდება საბანკო ანგარიშზე მიმწოდებლის მიერ ანგარიშ-ფაქტურის წარმოდგენიდან არაუგვიანეს 10 (ათი) საბანკო დღის განმავლობაში.

7. ანგარიშსწორების ვალუტა

ანგარიშსწორება მიმწოდებელთან განხორციელდება ეროვნულ ვალუტაში - ლარში.

8. ფასები

8.1 ერთეულის მიხედვით ხელშეკრულების ღირებულება მოცემულია ხელშეკრულების დანართში №1 – ფასების ცხრილი.

8.2 ერთი თვის მომსახურების ჯამური ღირებულება შეადგენს ____ ლარს.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა;

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

9.3 დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;

9.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა;

9.5 ამ ხელშეკრულების პირობების ნებისმიერი ცვლილება უნდა გაფორმდეს მხარეთა შორის ახალი ხელშეკრულებით წინამდებარე ხელშეკრულებაში ცვლილებების შეტანის გზით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

არც ერთ მხარეს მეორე მხარის წინასწარი წერილობითი თანხმობის გარეშე, არც მთლიანად და არც ნაწილობრივ არ აქვს უფლება გადასცეს მოცემული ხელშეკრულებით გათვალისწინებული თავისი ვალდებულებები მესამე პირებს.

11. ხელშეკრულების შესრულების შეფერხება

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს აღნიშნულ გარემოებებთან დაკავშირებით მიღებული გადაწყვეტილების თაობაზე;

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

12. ხელშეკრულების პირობების შეუსრულებლობა

12.1 წინამდებარე ხელშეკრულების 3.2 პუნქტით გათვალისწინებული ვადის დარღვევის შემთხვევაში, ყოველი დაგვიანებული დღისათვის, მიმწოდებელს ეკისრება პირგასამტეხლო (გარდა იმ შემთხვევებისა, როდესაც მიმწოდებელი არ არის ვალდებული უზრუნველყოს დაზიანების აღმოფხვრა) ხელშეკრულების ღირებულების 0,15%-ის ოდენობით, რომლის დაქვითვაც მოხდება შემსყიდველის მიერ მიმწოდებლისათვის გადასახდელი თანხიდან;

12.2 წინამდებარე ხელშეკრულების 6.2 პუნქტით განსაზღვრული ვადების დარღვევისათვის, შემსყიდველს ეკისრება პირგასამტეხლო ყოველი ვადაგადაცილებული დღისათვის, გადასახდელი თანხის 0,15% ოდენობით;

12.3 იმ შემთხვევაში, თუ ამ მუხლის 12.1 ან 12.2 პუნქტებით განსაზღვრული პირგასამტეხლოს ჯამური თანხა აღემატება ხელშეკრულების ღირებულების 5%-ს, მხარეს უფლება აქვს შეწყვიტოს ხელშეკრულება და მოითხოვოს პირგასამტეხლოს ანაზღაურება.

13. ხელშეკრულების შეწყვეტა მისი პირობების შეუსრულებლობის გამო

13.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულებების შეუსრულებლობის თაობაზე წერილობითი შეტყობინების შემდეგ:

(ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია უზრუნველყოს მთლიანი მომსახურების ან მისი ნაწილის გაწევა;

(ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება (მათ შორის დამატებით განსაზღვრულ ვადაში).

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

13.4 მიმწოდებელი უფლებამოსილია ცალმხრივად შეწყვიტოს ხელშეკრულება, თუ შემსყიდველი დაარღვევს ხელშეკრულების პირობებს/ვალდებულებებს.

13.5 წინამდებარე ხელშეკრულების მე-13 მუხლში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული მომსახურების ღირებულება.

14. ფორს-მაჟორი

14.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და პასუხისმგებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით, სტიქიური მოვლენებით, ეპიდემიით, კარანტინით და საბიუჯეტო ასიგნებების მკვეთრი შემცირებით და სხვა.

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ, მაგრამ არაუგვიანეს 7 (შვიდი) კალენდარული დღისა უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

16. სადავო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ წინამდებარე ხელშეკრულების ან მასთან დაკავშირებული სხვა კომპონენტის ირგვლივ წარმოქმნილი ყველა უთანხმოება და დავა.

15.2 თუ შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

16. შეტყობინება

16.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეკემის, ტელექსის ან ფაქსის სახით, ორიგინალის შემდგომი წარმოდგენით (ოფიციალური საფოსტო გზავნილის გზით), ხელშეკრულებაში მითითებული მეორე მხარის მისამართზე.

16.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. გამოყენებული სამართალი

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.